

ԱՐԱՐՈՒՏ

ՊԱՇՏՈՆԱԿԱՆ ԱՄՍԱԳԻՐ

ՀԱՅՐԱՊԵՏԱԿԱՆ ԱԹՈՂՈՅ


Ս. ԷԶՄԻԱՆԻ

1908-ՌՅՆԵ

Տարի ԽՍ.

ՍԵՊՏԵՄԲԵՐ

Համար Թ.



Ս. ԷԶՄԻԱՆԻ

Ելեքտրակարգ Տպարան Մայր Արուսը

եպիսկոպոսի ղեկավարութեամբ; Հեղինակը ջրում է և այն ամբաստանութիւնը, որ տպուեցաւ Ալրեելք»-ի և ուրիշ թերթերի մէջ, որպէս թէ Սուբհաս եպիսկոպոսը մի քանի կուսակից միաքանների հետ Տակարի ընտրութիւնը հասաւաել առաջ նպատակով գիմել է ներքին գործոց նախարարին և կոսկոծելի որոյ տուել Մելքիոնգեկի անձնաւորութիւնը: Անձնական բացատրութիւններից և հայեացքներից զատ, որ անք նշանակութիւն ունին իրեկ ժամանակակից անձնաւորութեան վկայութիւն, գրքի արժեքը բարձրանում է՝ որպէս պատմութեան ազբեր՝ մէջ բերուած պաշտօնական թղթերով և նամակներով:

4.

ՄՈՒՐԱՅԱՆ

(† ԳՐԻԳՈՐ Տ. ՅՈՎ. ՀԱՆԻՍԻ ՍԵԱՆ)

Հայ, առանց այն էլ վերջերս ազօտացած զեղարուեատական գրականութեան մշակների շղթայի օղակներից մէկն էլ քակուեց . . .

Սնցեալ օգոստոս ամսի 30-ին Թիֆլիսի Միքայէլեան հիւանդանոցում, ծանր հոգեկան հիւանդութիւնից յետոյ մեռաւ հայ տաղանդաւոր վիպագիր Մուրացանը (Գրիգոր Տէր Յովհաննիսեան):

Մեր գրականութեան մէջ Մուրացանը, գրաւում է պատուաւոր տեղ իւր զեզուն ու ճոխ լեզուով, վիպասանական շնորհալի գրչով. նա և թատերագիր էր. նորա Ռուզան-ը շատ երկար հայ բեմի ինքնուրոյն ու էպերաւուարի դարսն էր կազմում և կազմում է այժմ, իրեկ պատմական—ազգային պիէսների մէջ լաւագոյնը:

Մուրացանը գրչի համեստ մշակներից էր և ու էկլամաներից խուսափող, գուցէ մասամբ հէնց այդ պատճառով էլ հասարակական ասպարէզում մնում էր վարագոյրի ետեւ:

Նա գրական ասպարէզ ելաւ ու թառնական թռւականների սկզբներին, իւր գրչի արգիւնքները ամփոփելով

գլուխաւորապէս մեր պարբերական հրատարակութիւնների էջերում։ Նա աշխատակցել է «Փոլճ» ամսագրին, գրել է «Մեղու Հայաստանի» («Հայ բողոքականի ընտանիքը»), «Արձագանք», (բացի շատ մանր զրոյցներից—Տիկին Փիրալեան և այլն—նաև նորա, իբրև վիպասանի գլուխ գործոցը—«Մարդաբետունի» վէպը), «Նոր-Դար» («Իմ կաթոլիկ հարսնացուն», «Անպատճառ իշխանուհի», «Խորհրդաւոր միանձնուհի», «Լուսաւորութեան կենդրունում» և այլն) լրագրերում։ Այն տեղ էլ Մուրացանի գրչի արդինքները կարգացուել են բուռն հետաքրքրութեամբ։ Լաւ յայտնի է, որ Նոր-Դարի այն համարները, որոնց մէջ Մուրացանի վէպը կար—ձեռքից ձեռք էր խլւում ու յափշտակութեամբ կարգացւում։

Բացի յիշեալներից, իւր կեանքի վերջին շրջաններում հանգուցեալ վիպասանը գրում էր «Լումայ» («Նոյի ագռաւը», «Անդրէաս երէց» և այլն) և «Թատրոն» («Մուղան», «Յպահանջ») հանդէսներում։ Իւր միակ, բայց նշանաւոր պիէս «Մուղան»-ը նա տպագրեց բաւականին ուշ և գորա միակ պատճառը հեղինակի բուռն ձգտումն էր կատարելագործել այդ գրուածքը։ Նա մինչև տպագրուելը մեր բեմերի վերայ խաղացւում էր ձեռագրով և շատ հետաքրքրական է իմանալ արդեօք ձեռագրերով այդ յաճախակի կրկնուող ներկայացումնեւը տալիս էին նորա քրտնաշախուն և աղքատիկ հեղինակին գոնէ մինիմում վարձատրութիւնն . . .

Իւր կեանքի վերջին օրերում նա էլի զբաղուած էր «Մուղանի» մշակութեամբ, որի միջի երգերի կտորները նա խնդրել և եղանակել էր տուել մեր միակ տաղանդաւոր երաժշտագէտ հ. Կոմիտաս վարդապետին։

Ընդհանրապէս Մուրացանը մեր կեանքի խորթ զաւակներից էր և նորա կեանքը անցաւ տանջանքների բովից ու շտա ձախող հանգամանքների մէջ։ Նա զոհ էր և ընտանեկան գժբախտ կեանքի։ Ուրիշ աւելի յարմարաւոր պայմաններում գուցէ նորա անձնաւորութիւնը դասուէր մեր այլ նշանաւոր գործիչների շարքում։

Ծննդեամբ Մուրացանը Շուշեցի էր (1854 թուին), իսկ իւր ուսումը աւարտել էր նոյն քաղաքի Հայոց թեմական հոգեուր դպրանոցում, որից անմիջապէս յետոյ մտել էր ուսուցչական վշոտ ասպարէզը և ապա անցել Թիֆլիս առևտրական մի հիմնարկութեան մէջ հաշուապահական պաշտօնով:—

Թէե խղճուկ էր հայ վիպագրողի կեանքի մնացորդը, բայց գորա փոխարէն չքեղ էր նորա թաղումը, առհասարակ հայերս չքեղ թաղելու խիստ մասնագէտ ենր:

Սեպտեմբերի 7-ին թաղեցին Մուրացանին Ագահանդէսը կառավարում էր այդ առթիւ կազմուած մասնախումբը: Եկեղեցական առաջի արարողութիւնը կատարուեց հէնց հիւանդանոցում՝ հանդիսագրութեամբ թեմական առաջնորդի, որ և առաջի դամբանականը խօսեց հանդուցեալի դագաղի վրայ վանքի Մայր Եկեղեցում: Թէ վանքի բակում և թէ գերեզմանատանը դագաղի վրայ խօսողներ եղան բաւականին: Հայ հասարակութեան համարեա թէ բոլոր խաւերը մասնակցել էին թաղման սգաւոր հանդիսին թէ անձամբ և թէ ներկայացուցիչների միջոցով: Ներկայացուցիչներ եղել են նաև շատ քաղաքներից ու հաստատութիւններից, ի թիւս որոց և Մայր Աթոռի ձեմարանի կողմից: Դրուել են և պսակներ, ինչպէս և արուել դրամական և այլ նուիրաբերութիւններ, ստացուել են յանձնաժողովի անուամբ և բաւականին թուով ցաւակցական հեռագրեր, ի միջի այլոց և «Արարատի» խըմբագրութիւնից: Ագահանդիսի բոլոր ընթացքում կարգի վրայ հսկել է կարգագրիչ յանձնաժողովը, որ արժանի է ի հարկէ բուռն չնորհակալութեան:—

Մուրացանը թաղուեց Թիֆլիսի Խոջիվանքի գերեզմանատանը իւր գրչակից Ծերենցի և Աւագիու մօտ:

Հանդիսա ոսկորներիդ բեղմնաւոր հայ գրչակիր:—

+ ՄԱՐԿՈՍ ԱՂԱԲԵԳԵԱՆ

Տաճկահայոց և մեզ լաւ ծանօթ գէմբերից մէկն էր Մարկոս Աղաբէգեան, որ օգոստոսին յետին չքաւորութեան մէջ կնքեց իւր մահկանացուն: